

玄覽堂叢書續集

第一〇〇冊

文覽堂叢書續集

卷一百一十五

古蹟

越王城在又安府東岸縣又名螺城以其屈曲如螺漢時
安陽王所築安陽王舊都越地故又稱為越王城城中
址尚存俗名可縷城有古池國王每歲採珠用此水洗之
色極光潤

圍城

望海城俱在交州府安南縣漢建武中馬援平交趾分置封
溪望海二縣築此二城守之

大羅城在交州府城外漢交趾郡置唐安南都護府皆在

此其城唐張伯儀所築高駢嘗修廣之宋時李公蘊立國于此

雒^音王宮在交州府三帶縣未有郡縣時有雒田朝水上下墾其田者為雒民統其民者為雒王副二者為雒將皆銅印青綬號文朗國以淳朴為俗以結繩為治傳十八世蜀王嘗遣子泮將兵三萬降諸雒因據其地自稱安陽王趙佗舉兵襲之有神人名泉通下為安陽王輔佐治神弩一發殺萬人趙佗知其不可敵因往武寧縣遣太子始詐降以備之後通衆去語王曰能轉予弩則興否則亡安陽王有女

名媚珠見太子始悅之遂為相通媚珠取弩視之陰易
弩机趙佗進兵安陽王敗持辟水犀入海趙佗奄有其地
今平定縣有安陽王宮城故跡存

天使館元傳與礪使安南題詩曰使旌入館青雲動仙蓋
臨江白日迴諭蜀豈勞司馬檄朝周終見越裳來

浪泊在交州府東閔縣一名西湖馬援既平交趾謂官屬
曰吾弟少游嘗哀吾慷慨有大志嘆曰士生一世但取
衣食終足乘下澤車騎歟段馬為郡縣吏守墳墓使
鄉里稱為善人足矣至求羸餘自若耳吾在浪泊西

星間賊未滅時下潦上霧毒氣薰蒸仰見飛鳶站、
墮水中念少游語何可得也

銅柱漢馬援既平交趾立銅柱為漢界相傳在欽州古
森洞上有援誓云銅柱折交趾滅唐馬驄又建二銅柱總
著唐德以明其為伏波之裔今未詳所在日南郡西有
屠夷國援嘗經其地亦植二銅柱表漢界及北還留十
餘戶於柱下至隋乃有三百餘戶悉姓馬按林邑記林
邑大浦口有五銅柱唐天寶中何履光伐雲南收安寧
城立援銅柱以定疆界亦未詳所在志畧曰昔傳欽州

古森洞有馬援銅柱誓云銅柱折交趾滅交人每過
其下以瓦石擲之遂成丘杜詩云雨來銅柱北意洗
伏波軍古城界亦有銅柱孟浩然詩銅柱日南端
威武廟東坡記漢兩伏波皆有功於嶺南之民前伏
波邛離路侯後伏波新息馬侯南越自三代不能平
秦雖遠適置吏旋復為夷邛離始滅其國開九郡然
至東漢女子徵側反震動六十餘城時世祖初平天下思
民勞厭兵方閉玉關謝西域南國荒裔何足以辱王師非
新息苦戰則九郡左衽至今矣由此論之兩伏波廟食嶺南均

矣。海上有伏波祠。元豐中詔進封忠顯王。凡濟海必卜焉。謂可濟則濟。否則止。彼人信之如度權衡。必不吾欺者。嗚呼。非盛德其孰能如此。

冲天廟在扶莖鄉。昔境內亂。忽見一人有威德。民皆歸之。遂領衆平其亂。已而騰空去。號為冲天王。民乃立祠祀之。

古州佛春驟雨山之巨水流至州津。回旋不去。民異而觀之。內有石類佛。民以為神驗。即雕木為佛。遇旱祈雨。輒應。故曰法雲法雨。

服天寺塔。昔李日尊攻占城。得能造塔者。令梵下三層。號

天資萬壽塔銅鑄塔頂曰忉利天為雷擊去莫知墮處
後田夫得之復立雷又擊去焉

九重臺昔李乾德構臺于水晶池上將成雷擊之再構再
擊後雷聲發王以紅帕裹頭佩劍登臺焚香祝曰天不
誘其衷當加誅我臺何與焉有頃睹雲霄臺成迨三葉孫
李龍翰聞雷畏之幾死左右以計白雷興則以手抱佛皆廢
免從之畏果息焉

粉驛亭俗以暑熱多構一亭于通衢以憇行人陳京徵
時憇此亭有僧謂曰少年後當大貴言訖失僧所在

及陳氏有國命國中有驛亭之處皆塑佛一尊以答之
金牌洲有老父宅江濱其子得一卵歸父畜之乃生一
蛇尤加愛養後蛇大入水夜嘗餽魚庭中老父歿遇
祭時蛇來盤結庭下而去後江邊聚沙洲子孫得利
人謂之蛇報德云

物產

蚕桑 一歲八蚕出口南自三月至八月皆養蚕事織

金縷 一云甘麻然俗燒辟邪排香以根合臺佳

香附子 一云鷄頭海岸者佳降真香 久年者好

桂 皮薄肉厚常山 二種俗名黃力白力

紫草 訶黎勒 味無毒主冷腹脹滿

蒲黃 刀傷以末乾敷則愈阿魏

風薑 切片貼額左右止頭痛茶出諒州古都縣苦難為飲

薏苡 馬援征交趾載歸比伐火薑 色稍紫俗獨用為酒麴絕

五溪遺種服之能禦瘴

美

高涼薑

本出高涼交州亦有之雷州產者佳江左曰杜若味大溫治積冷腹痛到末微炒米飲調服霍亂吐瀉

黃薑

本草海狗生者蓬朮千金方治瘡癰始生積瘰一兩重入桂糖三兩作末醋湯下

鬱金

苦寒主血積冷下氣生肌止血劉禹錫云專用治婦人宿血心痛冷氣結聚溫醋磨服病後為末調粥食

玳瑁

狀類龜而殼稍長其明珠靖安云此中出蚌生東海足有六後二足無爪

通天犀

犀毛如豕頭有三角鼻上角短額上角長角中時有光耀白理如線自末達本為通天犀

辟水犀

舊傳安陽王有七寸文犀戰敗投犀于海水開王入水免禍

辟寒犀

唐開元二年冬至交趾進犀角一株色黃如金使者請金盤置殿中溫煖氣襲人

象

喜浴于江月夜嘗浮水面病必首向南面死肉粗連皮煮熟足掌肉頗佳其牙生取潔白者佳自死自落者不以為貴

兕

出九德生下角長二尺九真獻漢為奇獸

白鹿 晉初白鹿見交趾武寧縣宋文帝時交趾獻白鹿

潜水牛 勾漏縣有潜水牛上岸閉則角軟入水則復堅

蜜 鹽 煮海取鹽其白如雪安南之富皆鹽鉄利也


黃金 白金 太原諒山又安等府出 鉛 鐵

珊瑚 有赤黑二種在海直而軟見日曲而堅 丹 砂

銅鼓 交趾服後有頭飛僚子赤混僚子鼻飲僚子皆室

者盈門豪富女子以金銀釵擊鼓叩竟留與主人或云銅

鼓乃諸葛亮征蠻鉦也



福建往安南國針路

福州五虎門開船用乙辰針取官堂船行三礁東西
邊用丙午針取東沙山西邊過船打水六七托用單
巳針三更船取片嶼用丁午針一更船用坤未針二
更船用坤申一更船平烏坵山用坤申七更船平太
武山用坤申七更船平南灣外平外用坤申十五更
船平大星尖用坤未針七更船取東姜山用坤未針
五更船平烏猪山用單申針十五更船取七洲用單
申針平海南黎母山用庚酉針十五更船取海棠山

正路用單亥針及乾亥針十五更船取鷄唱門即是
南海雲屯洲海門也

安南國回暹羅針路

鷄唱門外開船用辰巽針五更船取海堂山過洋十
五更船取黎母山丑艮針二十更船平烏猪山用單
艮針五更船用艮寅針十五更船平大星尖用單寅
針十五更船南灣外彭山外過用艮寅針三更船平
大小甘山外過用單寅針四更過船為正路用辛戌
針十更船取大橫山內過打水二十五托為正路近
北水淺只有五托船身在南邊見小橫山成三個山
各山皆是樹木用辛戌針十一更船用單戌針十五